

1994-imit 2016-imut ilaqutariit

Saqqummersitaq una iluarsissutaavoq. Ukiumut angutit najugaqatigiit 200-it missaaniittut kisimiittutut imaluunniit angajoqqaaminni najugaqartutut kukkusumik inissinneqarsimaneri pissutigalugit tabel 1 aamma Titartagaq 1 iluarsiivigineqarnikuupput.

1. Aallaqqaasiut

Naatsorsueqqissaartarfiup 1994-imiilli inuit allattorsimaffianit paasissutissat tunuliaqutaralugit inuit aammalu inoqutigiit pillugit innuttaasunut kisitsisitigut paasissutissaliortarpoq. Saqqummersitamani uani taaguut *ilaqutariit* nutaajuvoq siullermeerlunilu innuttaasunut kisitsisitigut paasissutissani ilisaritinneqarluni.

Ilaqutariit katitigaanerat inoqutigiinni pineqartuni najugaqartut akornanni ataqatigiinneq tunuliaqutaralugu naatsorsorneqarput. Ilaqutariit tassaapput inoqutigiinni pineqartuni inuk ataaseq imaluunniit inuit arlallit, aappariinnermikkut imaluunniit ilaqutariinnermikkut imminnut atassuteqartut. Inoqutigiinni ataatsini ilaqutariit arlaliusinnaapput, killormulli ilaqutariit inoqutigiinnit arlalinneersunit ilaqarsinnaanngillat.

2. Nassuiaatit aammalu taaguutit

Ilaqutariit naatsorsorneqarnerinut inoqutigiinnut naatsorsuutit aallaavigineqarput. Inoqutigiit imminnut atassuteqanngikkaluarlutik najugaqatigiipput. Najugaqarfik illuusinnaavoq nalinginnaasoq imaluunniit ineqarfiusinnaapput soorlu assersuutigalugu kollegiat, utoqqaat illui aammalu børnehjemmit. Ineqarfinnut aamma ulloq unnuarlu angerlarsimaffinnut taarsiullugu najugaqarfiit allaffissornikkut nalunaarsuinermi atornerqarput inunnut aalajangersimasumik najugaqanngitsunut. Assersuutigalugu tassaasinnaapput angerlarsimaffeqanngitsut, umiarsuarni inuttat imaluunniit stationini atorfillit.

Ilaqutariit tassaapput inuk ataaseq imaluunniit inuit arlallit inuit allattorsimaffianni najugaqatigiittut nalunaarsimasut. Ilaqutariit inuk ataasiusinnaavoq imaluunniit aappariit, meeraqanngisinnaapput imaluunniit meeraqarsinnaallutik. Ilaatigooriarluni inoqutigiinni ataatsini inuit tamakkerlutik ilaqutariiusarput, inoqutigiilli ilaat ilaqutariinnik arlalinnik imaqarsinnaapput.

Ilaqutariit suuneri pingaarnernut pingasunut immikkoortiterneqarsinnaapput:

1. Aappariit
2. Kisermaat
3. Meeqqat angajoqqaaminni najugaqanngitsut

Aappariinni aammalu kisermaani ilaqutariit saniatigut meeqqanik angajoqqaaminni najugalinnik (0-17-inik ukiullit) imaluunniit inuusuttunik angajoqqaaminni najugalinnik (18-24-nik ukiullit) ilaqarsinnaapput.

Meeqqat tassaapput:

- 18-it inorlugit ukiullit
- Katissimanngisaannartut
- Namminneq meeraqanngitsut
- Najugaqatigiinni ilaanngitsut (ataani allassimasoq takuuk).

Meeqqat angajoqqaaminni najugallit minnerpaamik angajoqqaartik ataaseq najugaqatigaat. Meeqqap minnerpaamik angajoqqaani ataaseq najugaqatiginngippagu meeraq angajoqqaamini najugaqanngitsutut naatsorsorneqartarpoq. Meeqqat angajoqqaaminni najugaqanngitsut tasaanerusarput meeqqat qanigisaminni allani najugaqartut, ilaqutariinni ilasiaasut, isumaginniffinni imaluunniit kollegiani najugallit.

Inuusuttut 18-24-nik ukiullit, ukiunut piunasaqaat eqqaassanngikkaanni, meeqqatut angajoqqaani najugalittut piunasaqaatinik tamanik naammassinnittut angajoqqaat ilaqutaattut inuusuttutut angajoqqaani najugalittut naatsorsorneqarput.

Inuit meeraanngitsut imaluunniit inuusuttut angajoqqaaminni najugaqartuunngitsut tamarmik inersimasuupput. Inersimasullu aappariinni ilaanngitsut tamarmik kisermaajupput.

Aappariit assigiinngitsut pingasuupput (periaatsimut aammalu nalunaarsuutitut tunngaviusunut immikkoortut aamma takukkit).

1. Katissimasut

Aappariit katissimasut tassaapput inuit marluk imminnut katissimasut imaluunniit inooqatigiittut nalunaarsorsimasut.

2. Inooqatigiit

Inooqatigiit tassaapput inuit marluk imminnut katissimasuunngikkaluarlutik ataatsimoorussamik meerallit, meeqqat ukiui apeqqutaatinnagit aammalu meeqqat suli angajoqqaaminni najugaqarnersut apeqqutaatinnagit

3. Najugaqatigiit

Najugaqatigiit tassaapput inuit marluk immikkut suaassusillit ataatsimoorussamik meeraqanngitsut kisiannili immaqa meerarsianik meeraqartut.

Inuit taakku marluk ukiut 15-it inorlugit ukiuminni nikingapput, taakkulu CPR-imi ilaqutariinnermut nassuiaatit malillugit ilaqutariinngillat. Inuit 16-it tikillugit ukiullit najugaqatigiissinnaapput.

Ilaqutariinni assigiinngitsuni tamani inersimasut angajoqqaaminni najugaqartunik meeraqarlutillu inuusuttortaqarsinnaapput. Angajoqqaat meeqqat inuusuttulluunniit marluullutik imaluunniit aappaannaata qitornarisinnaavaat. Ataatsimoorussamilli meeqqat taamaallaat immikkoortuni aappariinni katissimasuni aammalu inooqatigiinni nassaassaapput.

Ilaqutariinni ataatsini annerpaamik kinguaariit marluupput. Kinguaariit pingasut najugaqatigiippata ilaqutariinnik marlunnik imaluunniit arlalinnik naatsorsorneqartarput.

3. Siunertaq

Ilaqutariinnut kisitsisitigut paasissutissat Naatsorsueqqissaartarfiup inuttaasunut nalunaarsuiffia ilaqutariinni inissisimanermut nassuiaammik immikkoortumik ilaneqarput. Immikkoortoq innuttaasunut tunngasuni taaneqareersutut inunnut aammalu inoqutigiinnut kisitsisitigut paasissutissani atuuttunut ilassutaavoq. Inuiaqatigiinni pissutsinut paasissutissat allat atorlugit ilaqutariit nassuiarneqarsinnaapput, soorlu najugaq, inunngorfik, ukiut, angajoqqaat aammalu aappariinnermi inissisimaneq. Ilaqutariinnermut paasissutissani pingaarnertut nassaassaapput:

1. Ilaqutariinnermut uppersaataat ilaqutariinnut uppersaataavoq erseqqissoq, piffissamilu sivisunerusumi malittarineqarsinnaasoq. Inuk kisimiittoq nammeneq ilaqutariinnermut uppersaateqarpoq, inulli kisimiikkallartillugu taanna allanngorsinnaanngilaq. Aappariit ilaqutariittut uppersaatekertik piginnartarpaat marluullutik aappariittut ingerlagallartillutik. Meeqqat inuusuttullu angajoqqaaminni najugallit ilaqutariinni inersimasuq/inersimasut assinginik ilaqutariinnermut uppersaateqarput.
2. Ilaqutariit assigiinngitsut ataani allassimasut tassaapput:
 - Katissimasut
 - Inooqatigiit
 - Najugaqatigiit
 - Kisimiittut
 - Meeraq angajoqqaamini najugaqanngitsoq

3. Ilaqutariinnermi inuup pineqartup inissisimaffia. Inissisimaffiit ataani allassimasut tassaapput:

- Katissimasoq
- Inooqatilik
- Najungaqatilik
- Kisimiiittoq
- Meeraq angajoqqaamini najugalik
- Inuusuttoq angajoqqaamini najugalik
- Meeraq angajoqqaamini najugaqanngitsoq

Innuttaasut kisitsisitigut paasissutissaasa nalunaarsuiffiat ilaqutariinnermut kisitsisitigut paasissutissani tunngavigineqarpoq.

Taamatuttaaq ilaqutariinnermut kisitsisitigut paasissutissat naatsorsuutiniq misissueqqissaarnernillu annertunerusunik ilaneqarsinnaapput. Assersuutigalugu ilaqutariinnermut nalunaarsuiffik malillugu ilaqutariinnut nalunaarsuutini meeqqat pingaarnertut aallaavigalugit suliarineqarsinnaanerit periarfissaavoq.

Ilaqutariinnermut kisitsisitigut paasissutissat kisitsisitigut paasissutissanik allanik katigunneqarsinnaapput. Assersuutigalugu meeqqat angajoqqaaminni najugaqanngitsut qanoq amerlatigisut ilaqutariinni ilasiaanerit imaluunniit isumaginniffinni najugaqarnerit misissussallugu naleqquttuusinnaavoq

Inoqutigiit isertitaasa naatsorsornissaat naleqquttuusinnaavoq inoqutigiulluni ataatsimut aningaasartuutitut soorlu ineqarnermut akiliummut, imermut, innaallagissamut, kiassarnermut, sillimmasiinnermut, nerisassanut il.il. akiliuteqartaraanni. Ilaqutariinnermut kisitsisitigut paasissutissat eqqarsaatigissagaanni ilaqutariinni isertitat aamma isumaginninnermut tunngasut ilaqutariinni inissisimaneq aallaavigalugu kisitsisitigut paasissutissat suliarineqarsinnaanerit naleqquttuusinnaavoq.

4. Inernerit

Kisitsisitigut paasissutissani pineqartunut atatillugu Kisitsisaataasivimmi tabelinik marlunnik saqqummersitsisoqarpoq, tassani periarfissaavoq ersarinnerusunik aallersinnaaneq. Kisitsisaataasivimmi tabelini piffissaq 1994-imit 2016-imit pineqarpoq.

Tabelimi siullermi uuttuutitut kisinneqartut tassaapput inuit: <http://bank.stat.gl/BENFAM1>. Tabelimi piffissaq, ilaqutariinnermi inissisimaneq, suaassuseq, ukiut aammalu immikkoortortaqqarfik takuneqarsinnaapput. Taamatuttaaq najugaqarfinnut nalinginnaasunut aammalu allaffissornikkut/pisortanit najugaqarfinnut immikkoortiterisoqarsinnaavoq.

Tabelip aappaani uuttuutitut kisinneqartut tassaapput ilaqtariit: <http://bank.stat.gl/BENFAM2>. Tabelimi piffissaq, ilaqtariit suneri, meeqqat amerlassusaat aammalu immikkoortortaarfik takuneqarsinnaapput. Taamatuttaaq najugaqarfinnut nalinginnaasunut aammalu allaffissornikkut/pisortanit najugaqarfinnut immikkoortiterisoqarsinnaavoq.

Ataani takutinneqarpoq Kisitsisaataasivimmi tabelinit marlunnik assersuutit aaneqarsimasut:

2016-imi januaarip aallaqqaataani Kalaallit Nunaanni ilaqtariit 29.190-iusimapput, taakku affangajaat kisimiittuusimapput inersimasut meeraqanngitsut. Ilaqtariit 8.553-it meerartaqarsimapput imaluunniit inuusuttut angajoqqaaminni najugallit, taakkunannga 5.703-t aappariiusimallutik taamatullu ilaqtariit meerartallit sinneruttut 2.850-it ataasiinnarmik inersimasortaqarsimallutik.

Tabel 1: 2016-ip aallartinnerani ilaqtariit suneri, ilaqtariinni meeqqat amerlassusaannut immikkoortiterlugit

	Meeqqat amerlassusaat					Katillugit
	0	1	2	3	4+	
Katillugit	20.637	4.147	2.680	1.151	575	29.190
Meeqqat 18-it inorlugit ukiullit angajoqqaaminni najugaqanngitsut	1.106	1.106
Inersimasut kisimiittut	14.642	1.760	757	244	89	17.492
Katissimasut	3.240	1.262	1.139	590	344	6.575
Inooqatigiit	235	805	674	278	125	2.117
Najungaqatigiit	1.414	320	110	39	17	1.900

Malugiuk: Tabeli 6. dec. 2016-imi iluarsineqarpoq


Nalunaarut: Allaffissornikkut aalajangikkanik/pisortanit inoqutigiit ilaanngillat.

Najoqutaq: <http://bank.stat.gl/BENFAM2>

Aappariit akornanni 54 pct.-ii 25-t inorlugit ukiulinnik angajoqqaaminni najugaqartuuteqarput. Kisimiittut akornanni 16 pct.-ii meerartaqarlutik.

Innuttaasut aappariittut inuusut ukiuisa tulleriaarnerini agguaqatigiissillugu 40-44-nik ukiullit amerlanerpaapput. Innuttaasullu aappariittut inuusut 50 pct.-iinit annertunerusut missiliorlugu 30-nit 69-inut ukiulinni immikkoortunipput.

Titartaaq 1: 2016-imi apparit inersimasut agguaqatigiissinnerat



Malugiuk: Tigartagaq 6. dec. 2016-imi iluarsineqarpoq

Nalunaarut: Allaffissornikkut aalajangikkanik/pisortanit inoqutigiit ilaanngillat.

Najoqutaq: <http://bank.stat.gl/BENFAM1>

5. Periaaseq aammalu nalunaarsuutit tunngaviusut

Ilaqutariinnut kisitsisitigut paasissutissani pineqartuni

Naatsorsueqqissaartarfiup innuttaasunut nalunaarsuiffia najugaqarfinnut paasissutissanik aammalu angajoqqaat inuillu aapparisaannut januaarip aallaqqaataani Kalaallit Nunaanni najugaqartunut paasissutissanik imaqqartoq tunngavigineqarpoq. 1994-imit 2016-imut ukiuni ataasiakkaani tamani paasissutissaqarpoq.

Najugaqarfiit pillugit

Kalaallit Nunaanni akuerisamik najugaqarfinnut nalunaarsuummik peqanngilaq. Taamaattumik Kalaallit Nunaanni najugaqarfimmut nutaamut nuunnermi kommunit najugaqarfik nutaaq inunnik nalunaarsuisarfimmi annertunerusumik aaqqissuussaannngitsumik nalunaarsortarpaa. Najugaqarfillu periutsit assigiinngitsut amerlasuut atorlugit nalunaarsorneqartarmata piffissami pineqartumi najugaqatigisat kinaassusersinissaat ajornarsinnaasarpoq.

Najugaqarfimmut ataatsimut nalunaarsueriaatsit assigiinngitsut qaqutigut ajornartorsiutaasarpur, ilaqutariit tamakkerlutik ataatsikkut aammalu ataatsimut najugaqarfimmut nutaamut nuunneq kommunimut nalunaarutigippassuk. Nuunnermilli nalunaarutiginninnerit piffissani assigiinngitsuni pippata najugaqarfimmut ataatsimut assigiinngitsunik nalunaarsueriaatsit ajornartorsiortitsisinnaappur. Assersuutigalugu ajornartorsiut pisinnaavoq meeqqat efterskolernernik naammassisimallutik angerlaraangata imaluunniit nutaanik aappartaartoqaraangat.

Ilaqutariinnut kisitsisitigut paasissutissat suliarinerini ilassutitut kukkunersiunerit ingerlanneqarput, najugaqarfiillu annertuumik ilimanaatillit inoqutigiit iluanni nalunaarsuinerik pissuteqartunik assigiinngitsunik najugaqarfilitut nalunaarsorsimasut naqqinneqartarput. Inoqutigiillu immikkoortiterneqarnerini, ilaqutariinnut nalunaarsuutini

matumani tunngavigineqartuni, naqqiinernik pissuteqartumik Naatsorsueqqissaartarfiup inoqutigiinnut nalunaarsuutai aammalu inoqutigiit immikkoortiterneqarneri kisitsisitigut paasissutissani matumani tunngavigineqartut tamakkiisumik naapertuutinnngillat. Tamanna piffissami suli aalajangingaanngitsumi inuttaasunut kisitsisitigut paasissutissat tamakkerlugit kukkunersiorneqarnissaanni naqqinneqarumaarpoq.

Inunnik nalunaarsuisarfimmi najugaqarfimmi inissiaanngitsumi kisiannili suliffeqarfimmi imaluunniit allaffissornikkut/pisortanik najugaqarfimmi nalunaarsimasoqarsinnaavoq. Allaffissornikkut/pisortanik najugaqarfiit angerlarsimaffeqanngitsunut aammalu inunnut Kalaallit Nunaanni najugaqavinnngitsunut kisiannili najugaqarfinni nalunaarsorsimanissamut pisariaqartitsisunut, assersuutigalugu angallatini inuttanut imaluunniit sulisartunut piffissami sivikitsumi Kalaallit Nunaanniittunut, atorneqarnerusarput.

Ilaqutariinnut kisitsisitigut paasissutissani allaffissornikkut/pisortanik najugaqarfiit immikkut nalunaarsorneqarput, kisitsisitigut paasissutissat tabeliini allaffissornikkut/pisortanik najugaqarfiit ilanngunneqarsinnaalersillugit aammalu taamaatinneqarsinnaalersillugit. Suliffeqarfinnut najugaqarfiit kinaassusersineqarsinnaasimannngillat, kisiannili ilimagineqarpoq pineqartut inunnut nalunaarsuiffimmi suliffeqarfiup najugaqarfianut nalunaarsimasut amerlanertigut qanittumik ilaqutariinneq ajortut, ilaqutariinnullu kisitsisitigut paasissutissani annertunerpaat inersimasutut kisimiittutut immikkoortinneqarput.

Angajoqqaatut nassuiaatit

Nalunaarsuiffinni innuttaasut ataasiakkaat inatsisitigut angajoqqaavinik nassuiaateqarpoq, taakku nalunaarsorsimappata.

Inuup inuttaasunut nalunaarsuiffimmi ukiuni tamani nalunaarsorsimaffigisaani ataasiinnarnik angajoqqaalittut ilaatigooriarluni nalunaarsorsimassanngilaq. Angajoqqaanut nassuiaatit allanngortinneqarsinnaapput, soorlu qitornavissiartaarnermi.

Angajoqqaanut nassuiaatit ukiumi ataatsimi arlalinniluunniit amigaateqarsinnaapput. Meeqqanut inuusuttunullu ataataasumut nassuiaatit taakkuunerusarput amigaatillit. Tamanna ataataasup ilisimaneqannginneranik peqquteqarsinnaavoq, imaluunniit ataataasup meeqqap inunngorneranik ukiut arlallit aatsaat qaangiunnerini ataataanini akuersaarsimappagu.

Ilaqutariinnut kisitsisitigut paasissutissani ataataanermut piumasaqaatinik marlunnik tulluarsakkanik ilanngussisoqarpoq, ukiuni inuuffiusuni siullerni ataatasut nalunaarsorsimanerisa amigaateqartarnerinut ajornartorsiutip annikillineqarneranut aaqeeqataasunik.

1. 0-inik ukiullip ataataa nalunaarsorneqarsimanngippat anaanaasorlu katissimappat imaluunniit inooqateqarpat, naatsorsuutigineqarpoq ataataasup anaanaasup aapparigaa. Ataataasumik nalunaarsuineq

tamanna ukiup inunngorfiusup kingorna aammalu ukiuni tulliuuttuni ilanngunneqassaaq, siullermeerluni ataataanermut nalunaarsuisoqarnissaata tungaanut.

2. 0-inik ukiulimmut ataataasumik nalunaarsuisoqarsimangippat, ataataanermut nalunaarsuut siulleq nassaarineqartarpoq. Pineqartoq, kingusinnerusukkut ataataasutut nalunaarsorneqarsimasoq, 0-inik ukiullip najugaqatigippagu ukiup inunngorfiusup kingorna aammalu ukiuni tulliuuttuni ataataasutut ilanngunneqassaaq, siullermeerluni ataataanermut nalunaarsuisoqarnissaata tungaanut.

Ataataanermut paasissutissat ukiuni tulliuuttuni nalunaarsuutininik takuneqarsinnaasunik imaqarnerupput, taakkulu ukiut tamaasa ilaqutariinnut paasissutissat innuttaasunut nalunaarsuiffiup ukiup tamaasa ukiunik nutaanik ilaneqartarnera malittaralugu, annikitsumik allannguuteqartarnerannik peqqutaataapput.

Qulaani angajoqqaat nalunaarsuutaannut taaneqartunut naqqiissutit saniatigut takuneqarsinnaasunik kukkusumik nalunaarsuinnernut naqqiissuteqartoqarpoq. Assersuutigalugu nalaarneqarput aanaap imaluunniit aataap angajoqqaatut nalunaarsorsimanagera, imaluunniit meeqqat angajoqqaallu akornanni ukiut assigiinngissutaasa ilimanangitsumik appasippallaarneri.

Katissimasut pillugit

Katissimasut ineqatigiittulli ataatsimut najugaqatigiinngitsutut nalunaarsorsimasut ilaqutariinnut kisitsisitigut paasissutissani ilaqutariinni assigiinngitsuniinnerannik naatsorsorneqarput.

Ilaqutariinnermut kisitsisitigut paasissutissani inuit nalunaarsuiffianni katissimanermut paasissutissani, assersuutigalugu katissimaneq katissimasup aappaannaani nalunaarsorsimappat imaluunniit katissimasut aappaa katinnissamut inuusuppallaarpat, ataasiakkaanik aaqqiissuteqartoqarpoq.

Aappariittut nalunaarsorsimasut imaluunniit suiaaqatiminnik katissimasut immikkut naatsorsorneqanngillat, kisiannili suaiaassutsini assigiinngitsuni katissimasutut naatsorsorneqarlutik.

Inooqatigiit pillugit

Inooqatigiit tassaapput inuit marluk najugaqatigiit ataatsimik arlalinnilluunniit ataatsimoorussamik meerallit. Pineqartut inooqatigiittut naatsorsorneqarput meeqqap najugaqatigineqarnera apeqqutaatinnagu.

Ataatsimoorussamik meerarineqartoq piffissami 1994-imit 2016-imut Kalaallit Nunaanni najugaqartuusimangippat Naatsorsueqqissaartarfiup meeraasup angajoqqaavi pillugit paasissutissaateqanngilaq, taamaattumik inooqatigiit kinaassusersineqarsimanginnissaannik aarlerinartoqarpoq. Tassani assersuutigineqarsinnaapput appaariit ukioqqortusereernerminni Kalaallit Nunaannut nunasisimasut.

Najungaqatigiit pillugit

Danmarks Statistikkilp ilaqutariinnut kisitsisitigit paasissutissaanni – kisitsisitigit paasissutissiornermi matumani periaatsimut tunngavigineqartumi – najugaqatigiit tassaapput imminnut katissimannikkaluarlutik, ataatsimoorussanik meeraqanngikkaluarlutik kisiannili suaassutsimikkut immikkoorlutik aammalu ukiut 15-it inorlugit ukiuminni assigiinngissuseqarlutik ataatsimut najugaqatigiit. Taamatuttaaq piumasagaataavoq inersimasunik allanik imaluunniit inunnik 16-it 17-inilluunniit ukiulinnik angajoqqaaminni najugaqanngitsunik najugaqartoqannginnissaa. Inuit 16-inik ukiullit tikillugit najugaqatigiittut inuusinnaapput.

Naatsorsueqqissaartarfiup qallunaat najugaqatigiinnut piumasagaataat malillugit najugaqatigiit kinaassusersinissaat toqqarsimavaa. Naatsorsueqqissaartarfiulli inuit marluk 18-it sinnerlugit ukiullit najugaqatigiittut kinaassusersinissaannut periarfissaq annertusinissaa toqqarsimavaa. inuillu najugaqatigiittut nalunaarsorneqarput ukiumi ataatsimi imaluunniit ukiuni tulleriinni ataannartumik najukkami ataatsimiissimappata, aammalu pineqartut ukiumi ataatsimi piffissap pineqartup siunitsianguani imaluunniit kingunitsianguani qallunaat piumasagaataat malillugit najugaqatigiittut nalunaarsorsimappata.

Inuit najugaqatigiittut kinaassusersineqarsinnaasut CPR-imi angajoqqaanut nassuiaatit tunuliaqutaralugit qanigisariissinnaanerannut misissorneqarput, taamaasilluni inuit kukkunikkut meeqqanut, ernuttanut, qatanngutinut, qatanngutillu meeraannut aammalu illorisanut najugaqatitut nalunaarsungaanninnissaat qulakkeerneqarpoq.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse
Anders Blaabjerg
E-mail: ABLA@stat.gl

Innuttaasut

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

